



OPĆINA VELIKA KLADUŠA

Općinsko vijeće

- Komisija za odlikovanja i  
druga javna priznanja –

Broj: 01-04-31-1/23

Velika Kladuša, 20.02.2023. godine

### **OBAVIJEST ZA JAVNOST**

Poštovani,

Dana 19.01.2023. godine, putem medija je raspisano Javno obavještenje za dodjelu javnih priznanja Općine Velika Kladuša u 2023. godini, sa rokom od 15 dana od dana objave za dostavu prijedloga, sa krajnjim rokom podnošenja do 04.02.2023. godine.

Naime, zbog političkih previranja u Općinskom vijeću, došlo je do kašnjenja u raspisivanju Javnog obavještenja, zbog čega je rok od 30 dana za dostavu prijedloga kako je predviđeno Odlukom o javnim priznanjima skraćen na 15 dana, sa krajnjim rokom dostave prijedloga do 04.02.2023. godine, upravo s ciljem kako bi se ostavilo dovoljno vremena za pripremu i održavanje Svečane sjednice Općinskog vijeća povodom dana Općine 23. februara, a što je u konačnosti i bilo dovoljno vremena za dostavu prijedloga za javna priznanja, gdje su sva zainteresirana kako pravna tako i fizička lica i prije isteka tog roka dostavili svoje prijedloge.

Nakon isteka roka za dostavu prijedloga, Komisija za odlikovanja i druga javna priznanja je održala sjednicu gdje joj je iz Stručne službe uručeno 19 pristiglih prijedloga u zatvorenim kovertama adresirano na ovu komisiju.

Međutim, kako do dana održavanja sjednice Komisije nije usvojen Budžet Općine niti Odluka o privremenom finansiranju za 2023. godinu, stav većine članova komisije je bio da ne razmatra pristigle prijedloge, zbog činjenice da ne postoje finansijska sredstva niti dovoljno vremena za pripremu i održavanje Svečane sjednice Općinskog vijeća povodom dana Općine 23. februara, kao i izradu javnih nagrada.

Ovim putem Komisija za odlikovanja i druga javna priznanja obavještava javnost o poduzetim aktivnostima, kao i o razlozima ne razmatranja pristiglih prijedloga i ne održavanja Svečane sjednice Vijeća, čime odgovornost za trenutno stanje i ne usvajanje u realnom roku bitnih finansijskih dokumenata za realizaciju ovih aktivnosti ne snosi niti ova Komisija kao ni i Stručna služba Vijeća, koje su preduzele radnje u skladu sa svojim nadležnostima.

Isto tako ovim putem Komisija izražava žal zbog trenutnog stanja, a naročito zbog naših građana koji su uložili trud i vrijeme da dostave svoje prijedloge za javne nagrade u ostavljenom roku, s nadom da u narednom periodu i godinama koje su pred nama, će biti na vrijeme ispunjeni svi uvjeti za realizaciju održavanja 23. februara Dana Općine Velika Kladuša.

S poštovanjem;

**Zamjenik predsjednika Komisije**  
Ismet Behrić